

太上洞玄靈寶開演秘密藏經

太上大道君以上皇元年十月五日與無量天真妙行神人詣太微帝君處明霞之上瓊闕之內金華之房諸天上帝清齋道前旋行步虛誦詠靈章一依俯仰三乘之格扣擊法鼓普集羣真此時眾聖莫不皆集敷講玄妙闡揚道德聖眾列位四座嚴整太微帝君從座而起稽首道君今日大慶教誡之晨迂屈聖尊曲降卑肆洪慈垂盼過忝重恩賤臣小子希遭嘉會羣真歡樂不並於常伏願哀憐覺所未悟不審三世十方天尊所得妙身以何爲法爲同一體爲各異耶唯願哀矜具垂敷演令一切眾生及將來世學道之人有所依倚緣恩上啓伏用戰惶

道藏輯要

開演秘密藏經

八

房集六

太上道君方命西臺金母三十二天齊聲合和唱詠靈音鼓天妓樂表現祥瑞驚天駭地妙麗殊特良久言曰深乎微哉乃欲問發真道秘藏自我成道已來未曾說此隱奧之事今既有請旨禁相傳常誦聽受勿妄宣泄是時眾會伏受要言

太上告曰至真妙理寂絕無形清淨凝湛不可言名方便引化略開二途一者道身寂體虛無二者生身誕孕形軀言道身者離一切相正慧成滿除斷虛妄冥契玄宗與道爲一不滅不生無來無去言語路斷念慮永畢言生身者隨順世法依因父母氣數和合瓊胎靈府猶如虛空隨宜出處年月不同腋背降誕長養深宮或生而皓素或常保少容瓊姿妙質天人所宗帝君

禮曰不審道身卽是寂本爲更有義名爲本耶

太上告曰道爲聖本本卽道根雖是一體先無二源道名獨立體自靈通強字無待遠逝息功本對於未因待假名稱爲物始用涉能生又爲定本動寂用殊出沒互表語嘿相須帝君又問如是本身能生萬物卽是萬物之本始者此與神本有何差別太上答曰源其實體無有二相何以故俱畢竟故無始終故不可說故以善方便亦得言異所謂神本是妄想初一念之心能爲一切生死根本以是初心念念相續眾生業果輪轉無窮是名識初亦名神本言本身者卽是道情清淨之心能爲一切世出世法之根本故故名爲本如是真性非心不心非色不色無

道藏輯要

開演秘密藏經

九

房集六

緣慮故非無常故故言非心能生心故無不知故亦名爲心無所礙故故名非色能生色故道眼見故亦名爲色是清淨心具足一切無量功德智慧成就常住自在湛然安樂但爲煩惱所覆蔽故未得顯了故名爲性若修方便斷諸煩惱障法盡故顯現明了故名本身如此身者本自有之非今造故故名爲本本非有性非三世攝方便說故非非三世本來有故名爲過去一切眾生必定嘗得故名未來十方大聖今已得故故名現在雖復說有三世差別體不動故常住無變帝君又問若是本身性是具足一切煩惱云何能障若本具足而起障者一切神尊得成道亦已應還失何以故體唯一故

太上答曰雖體是一義則有一方便未足故方便具足故是我言一切諸法以空爲性爲化眾生善巧方便隨宜演說是言說性猶如虛空亦無分別識本本身皆虛空相得無所得故無所失有所得故故有所失是故凡夫名爲失者十方神尊名爲常德帝君又問若生死法無始無終本性清淨何故不名無道果耶

太上答曰生死之法有因果故故是無常不名道果常道之體非因果故是故爲常體是果故故名道果帝君又問如是本身爲悉共有但是一身爲各各有有無量身若有一者一人得已應礙餘人若是多迹非爲太一不得言常

道藏輯要

開演秘密藏經

十

房集六

太上曰我不說言一切諸法如虛空耶虛空之性非一非多非礙非無礙如是本身亦復如是體非一多性無障礙太微帝君稽首謝曰謹聞命矣不審生之與迹二義云何經門二言敢以諮啓伏願弘慈廣垂分別

太上告曰體實無二隨義名身生體擢貌事事同人迹無定相形不常倫但能顯本卽是迹陳帝君又問生身迹身是應作耶太上答曰如是如是生之與迹並稱機緣利益不差卽名爲應體則無別隨義異名帝君又問是迹身者爲有法耶爲無法耶太上答曰我不說云一切諸法性無所有云何迹身而當有法若假名字亦有亦無不離本故故名爲無眾生見故故名爲有

更非別體故名爲無有實利益故名爲有猶如明鏡能見色象
了了分明種種差別是鏡中象不可定說是有是無而亦得言
鏡中有像一切眾生心鏡明故見真道像又如止水無波濤故
影現日月星辰飛鳥日月星辰以及飛鳥悉見水底一切諸物
亦見自影了了分明此水中物及所見影俱非真實不可言有
不可言無一切眾生心水澄清見道身影亦復如是體卽真道
是故非有非不見故不得言無如追逝者尋跡能得是跡與人
非一非異迹身亦爾明解之人用跡入悟見真道身知無迹法
故名爲一非不因迹漸得開曉建立福田是名爲異如是之義
是道境界非是凡夫下聖能了於是道君欲顯斯義重說偈言

道藏輯要

開演秘密藏經

上

一房集六

道身不生滅

任理自玄通

湛然常清淨

獨立強言空

絕名無待對

亦忘造物功

端靜息義用

蕭寂守虛冲

本身爲物始

生立布三才

冥功雖叵測

圓照逐念開

能爲妙迹本

表見億萬該

神用無起滅

奇功靡去來

生身託父母

寄慧示同凡

瓊胎非世孕

變示適所堪

端嚴使欣慕

白首破迷貪

非是骨肉身

隨願之所尊

權迹無定方

見身亦長久

遍示五道形

姿容順研醜

任本之所垂

利益無優貌

乍有變化生

時或因父母

太微帝君稽首又曰敢問道身爲有因耶爲無因耶若有因者同世間法因緣生故故是無常若無因生復墮邪見異道之謂若是道身不從因生自然有者一切眾生不修道者應皆成道如是二義云何可了唯願慈愍廣垂開示

道君答曰太微帝君乃能顯發如是深奧微密之義夫正道者眞實之相非言語法之所能宣今言道者寄言顯示令得悟入解了無言忘筌取旨勿著文字所言道者通達無礙猶如虛空非有非無非愚非智非因非果非凡非聖非色非心非相非非相卽一切法亦無所卽何以故一切法性卽是無性法性道性

道藏輯要

開演秘密藏經

三

房集六

俱畢竟空是空亦空空空亦空空無分別分別空故是無分別亦復皆空空無二故故言其卽而諸眾生不能解了如是義故於無法中而生法想於不空中而生空想以有如是心想倒故而有見著具是四倒妄造諸法計我及物故名生死不得道身天尊大聖了此實性畢竟無性洞會道源混體冥一故名得道身與道一故名道身習此正觀名之曰因亦無所習故名非因是故正道非從因生亦非無因體非是果亦非非果非常非非常非滅非非滅如是深奧秘密之義唯性與道乃能解知上聖眞仙皆不通達以信力故髣髴能知如是身者住無所住無所不住是名正道眞實之身帝君又曰不審

天尊所受生身業相云何

太上告曰所言生者無生不生離一切生何以故十方天尊生已盡故染欲無明永清淨故故無有生欲利眾生不同世法是故有生何以故我若說云道氣高遠寂滅不生眾生便謂不可修習無迴向心不修善業是故說云一切聖人皆有生果然非結業隨願故生若復相說隨人天生皆以上業而爲生因以於其中最第一故是名分別生身之相太微帝君稽首禮曰善哉道君演說如是深奧之義自昔以來未曾得聞如是妙經譬如薄福重罪之人生而聾盲不見五色青黃赤白及黑等相不聞宮商五音之聲有大明醫授以妙術爲開耳目一切色聲無不道藏輯要

開演秘密藏經

三

房集六

聞見我亦如是聞於是經能得聞見二種身相當知是經是法耳曰其有得者能見正道二種法身權實之趣大明醫者卽是道君示我妙經如施耳目得此教者卽得正道微妙之身得道身已便能隨順示見生身是經能生二種身故名爲法母何以故是深妙教能令一切生眞法身如世慈母能生子故至孝之子常念鞠育懷抱之恩思欲上報終天無極我等如是因是正教生無漏身是故常常報恩供養安置堂殿七寶莊嚴香花燈燭伎樂幡蓋晨夕朝禮如侍所親

太上道君答帝君曰如是如是實如所說我從昔來未曾爲人說如是法何以故是諸學者力未堪故非是我等十方天尊有

所隱覆有所悟情所演法言皆表一道一味一相而諸眾生各得悟入深淺差別隨解有異名爲別教示其一相故曰同歸無異經也譬如天降一味甘雨江河大海受處不同名爲異水雨實唯一十方大聖降一法雨隨二乘器受益不同故名三教所示身相亦復如是於未悟者名爲未說於解了者常滿究竟是故我等無所祕藏是時太微帝君及諸大眾聞是法音歎未曾有於虛空中雨天妙花鼓天伎樂供養道君而共齊聲說偈歎曰

我等歸命太上尊

無上最勝眞法王

巧說一種微妙身

猶如等降甘露雨

道藏輯要

開演秘密藏經

古

房集六

二乘得悟有差別

道君所說皆周普

眾生汎此法舟航

免度生死大河苦

服此清淨良法藥

身心垢穢病皆愈

各蒙法利喜充遍

是故禮謝慈悲父

爾時太微帝君及諸大眾說是偈已白太上言若諸神尊所說諸法同表一道無淺深者云何而得有圓滿教及未具了差別趣邪

道君告曰若於大聖諸有所言皆是正觀一切智心無非畢竟悉是了義隨眾生故半滿不同爲鈍根者或時說有或時說空或時說常或說無常是名兩半前後異說不得一時隨病發故

偏示一義是名爲半前病除已復顯一藥用具足故名之爲滿了兩半已入一中道乃名具足圓滿之相若深智者聞說一邊卽應了悟因緣假名卽正中道所言中者離一切著亦無所離不滯二邊故名爲中能通眾生至善家處到解脫城故名爲中若有了知是中道者名爲正觀是第一乘能運學者出離三界過二生死了真法性成無上道是故此經能破無邊無明暗室令見無上正法珍寶猶如明燈破一切暗令有目者見諸寶物隨意更用稱心快樂我今哀愍闇苦眾生然此法燈照煩惱闇普令一切尋光見道得真智慧自在安樂極無上果究竟昇立太微帝君白太上曰若如是者唯當正解中道之要便得成道

道藏輯要

開演秘密藏經

五

房集六

何須更習諸餘經誠爲繁勞耶

太上告曰若諸學人深蘊德本了達正空中道之相是卽具足無俟更修諸餘法術但爲五濁諸眾生等未了此經深妙之趣先示餘法調伏其心遮斷煩惱四魔惡賊猶如

帝王具足無量珍寶樂具而須城舍墻塹莊嚴防斷盜賊遮諸障難如是正觀始悟心王住中道城以諸誠慧爲法墻塹牢自莊嚴備諸魔試是故十方天尊大聖具演經誠廣開法門太微帝君稽首拜曰敢問道君畢竟究竟云何差別願垂告示

太上曰畢者決也竟者定也我所說法決定無二如言世間無常若空空無我淨道果常臻安樂自在真實清淨若異學者有

來難問如是之義終不動轉三世神尊皆作是說是決定畢竟之義又復畢者名審竟者名諦若諸道君說一切法本性清淨如虛空性假因緣有體非真實中道之理性無顛倒是寂滅相作是說者審諦誠信無有虛妄是故復名畢竟之義又復畢者名達竟者言了十方大聖坐道場時證深正智於一切法及法真性一念洞明通達照了無有差謬是智圓滿稱寔相法達了無遺故名畢竟言究竟者究之言到竟之言邊際十方神尊得一切智到法邊際是名究竟又復究者名斷竟者名盡一切神尊以實相慧斷煩惱習一切皆盡具足解脫是明究竟又復究者名度竟者名已十方大聖得道真人度生死海已至彼岸故

道藏輯要

開演秘密藏經

其 房集六

名究竟如此是名分別畢竟究竟差別之象帝君又曰當何名此經云何傳授方法所須願垂具告

太上曰此經名爲開演秘密之藏所以者何此經明於三世十方得道神尊微妙身祕藏之義如我等比無上法王出此五濁化諸眾生三業示見方便善巧意趣微隱難可了知所以爾者十方天尊所得之身卽眞道相體合自然無形無名非造作法如虛空相無數劫來久證此法同一性相平等無二而能出見種種法身示修習報應化無方人天惡道隨類所見受生業行皆同其法或見殊勝超踰世間第一希有獨步無畏威變自在不可思議是名開演身祕藏能於正道眞寔之性無言無

說寂滅相中善巧因緣分別顯示隨其所宜說法無盡言辭次第義味深蹟或說一乘或說三乘人天業果漸漸開化使得同歸真一正道是名開演口祕密藏雖無念慮離分別想以一切智洞達空門正解正觀窮理邊底與真實相平等爲一以一切種智照世間法色法非色法心法非心法人天五道四大六家眾生想念果報因緣於一念中明了無礙善識根性隨宜所行世出祕法洞達究盡是名開演心祕密藏以是三種祕密之法成真道身非是凡夫乃至上聖所能覺知我於是經具開此義明說身相啓方便門令諸學者入重玄趣是故此經名爲開演祕密奧藏如是受持此經大乘眾經中最妙若有至心堪能解道藏輯要

開演祕密藏經

七 房集六

轉運照無輟

太上告曰善哉帝君乃能發心弘宣此法來生男女當受斯慶

咸見正道得淨法身帝君當知若使餘經不流布者於諸世間
無深損害若失此經一句一偈則爲一切構諸災禍何以故此
經明示眞道正身卽是眾生終歸窟宅若失此經永爲孤露流
漂三塗五道之中沒於長苦無由解脫何以故不得本源無所
歸故是故帝君常當一心弘宣此法必使流通我昔受之於太
帝太帝受之於五帝上眞高上玉皇玉皇受之於玉清帝君消
魔大王大王受之於八天虛皇帝君口口相傳不記文字帝君
今可書而錄之使得流布將來眾生吾當以神通力守護此經
隨有之處悉皆吉祥大劫之周餘道皆滅此經獨存當還大羅
之天隨機下世救度天人於是太微帝君鑄玉爲簡鏤金爲字
道藏輯要

開演祕密藏經

卷

房集六

編以白銀撰錄此經盛以紫玉之函封於七寶之臺仙童玉女
散花燒香供養靈文是時大眾聞受經已太上道君還於玉京
諸來會者各禮而去